

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

GAZTERIAREN FORU ERAKUNDEA

2024/2025 ikasturtean unibertsitate ikasketak egin dituzten ikasle gazteei, bizi diren udalerritik beste udalerri batera joan behar badute, dirulaguntzak emateko deialdia

Foru Gobernu Kontseiluaren abenduaren 28ko 57/2021 Foru Dekretuaren bidez, Gazteriaren Foru Erakundeak norgehiagoka bidez ematen dituen dirulaguntzen oinarri arautzaile orokorrak onetsi ziren.

2024/2025 ikasturtean unibertsitate ikasketak egin dituzten eta bizi diren udalerritik beste batera joan behar duten ikasle gazteei garraiorako dirulaguntzak emateko deialdi hau, Gazteriaren Foru Erakundearen Administrazio Kontseiluak 2025ko maiatzaren 6ko bilkuran onetsia, aipatutako arau orokorretan eta hurrengo apartatueta xedatutakoaren arabera egingo da.

1. Deialdiaren xedea

Laguntza hauen helburua da unibertsitate prestakuntza arautua jasotzeko aukera ematea unibertsitate ikasketak egiteko beren etxebizitza duten udalerritik ikastegi publiko edo pribatuak dauden udalerrira joan-etorria egin behar duten Arabako ikasleei.

2. Onuradunen betekizunak

Oro har, honako hauek izan daitezke onuradun, aurrez eskaera eginda:

1. 30 urte edo gutxiago dituzten ikasleak, eskaera egiten den urtean beteta.
2. 2024ko abenduaren 31n Arabako Lurralde Historikoan edo Trebiñuko enklabeen erroldatuta daudenak.
3. 2024/2025 ikasturtean ondoko artikuluan jasotako ikasketa batean matrikulatuta daudenak.
4. Eskatzailearen ohiko bizilekua eta ikastegia ezin daitezke udalerri berean izan, eta haien artean ezin daiteke izan 150 km baino gehiago.

Ezin daitezke izan laguntza hauen onuradun Eusko Jaurlaritzak ikasturte bakoitzerako joan-etorrietarako eta/edo egoitzarako ematen dituen laguntzak jaso dituzten pertsonak, beka-mota edo modalitatea edozein delarik ere.

3. Ikasketak eta eskola-aldia

Deialdi honetako laguntzak ikasketa hauetarako bakarrik dira:

Unibertsitate ikasketak:

- Unibertsitate graduiko ikasketak, karrera-amaierako proiektuak barne.
- Musika, dantza, arte dramatiko, arte plastiko eta diseinu ikasketen goi-maila.

Kanpoan uzten dira ikasketa mota hauek: edozein motatako masterrak, doktoregoak, gai jakin batzuetako unibertsitate adituak, beste prestakuntza batzuetarako edo alderdi batzuetarako prestakuntza ikastaroak (oposizioak eta antzekoak), ikerketa, graduondoa eta espezializazioa, urrutiko irakaskuntzak eta, oro har, homologatu eta ofizialki onartu gabeko ikasketa eta ikastaroak.

Diruz lagundutako eskola-aldia ikasturte bakoitzeko irailtik ekainera artekoa da.

4. Dirulaguntzaren zenbatekoa

Bigarren oinarriaren barnean diren onuradunentzako laguntzen gehieneko zenbatekoa kopuru finko bat izango da, eta ikaslearen bizilekua dagoen herriaren eta hura joaten den ikastegiaren arteko distantziaren arabera zehaztuko da.

- a) 40 km edo gutxiagoko distantzia: 200,00 euro.
- b) 40 km-tik gorako distantzia, 80 km-raino: 280,00 euro.
- c) 80 km-tik gorako distantzia, 150 km-raino: 400,00 euro.

Distantziak zehazteko, <http://maps.google.es> web tresna erabiliko da. Horiek kalkulatzeko, ibilbiderik laburrena hartuko da kontuan.

Aurrekontuan erabilgarri dagoen zenbatekoa ez bada nahikoa kopuru horiek finantzatzeko, laguntzak hainbanatu egingo dira saldo horren mugara iritsi arte.

5. Epea eta eskaeren aurkezpena

1. Eskaerak ekainaren 16tik 30ra arte aurkeztu ahal izango dira.

2. Eskatzaileak laguntzaren onuraduna izan behar du. Onuraduna ez den beste pertsona batek aurkezten badu eskaera bat, baliogabetu egingo da eskaera hori.

3. Eskaerak bitarteko elektronikoen bidez aurkeztu behar dira Arabako Foru Aldundiaren egoitza elektronikoa (<https://e-s.araba.eus>). Horretarako, eskatzaileek ziurtagiri digitala (Bakq) izan beharko dute aldezturik. Egoitza elektronikora sartzeko bideak zeintzuk diren eta erakunde egiaztatzaile batek jaulkitako egiaztagiria elektronikoa non eskatu behar den jakiteko, jo atal honetara: ezagutu egoitza-nola sartu.

4. Eskatzaileak AFaren egoitza elektronikoa dagoen inprimakian eskatzen den informazioa bete beharko du, eta agiri hauek erantsi beharko ditu:

a) Trebiñuko enklabean bizi diren pertsonen kasuan, ikaslearen errolda ziurtagiria, 2024ko abenduaren 31koa.

b) Matrikulazioaren ziurtagiria, ikaslea ikasturtean zehar hirugarren oinarrian aipatutako ikasketetan matrikulatuta dagoela egiaztatzen duena.

c) Eskatzailea titularra duen banku entitateko kartillaren kopia edo kontuaren egiaztagiria.

5. Salbuespen gisa, eskatzailea ezin bada Arabako Foru Aldundiaren egoitza elektronikoa sartu, pertsonalki edo behar bezala egiaztatutako ordezkari baten bidez aurkeztu ahal izango ditu eskaera eta dokumentazioa, Gazteriaren Foru Erakundeak Vitoria-Gasteizko Jesusen Zerbitzarien kaleko 5. zenbakian dituen bulegoetan, 12:00etatik 14:00etara. Kasu horretan, NANaren kopia konpultsatua ere aurkeztu beharko da.

6. Eskabide horietan espresuki adierazi behar da jakinarazpenetarako ematen den helbidea, eta haiek aurkezteak esan nahi du espresuki eta formalki onartzen dela deialdi honetan ezarritakoa.

7. Eskaerak osorik bete ezean edo oinarri hauetan adierazitako agiriren bat falta izanez gero, interesdunari eskatuko zaio hamar egun balioduneko epean falta diren datuak eta agiriak aurkezteko. Era berean, jakinaraziko zaio adierazitako epean agiri edo datu horiek aurkeztu ezean, eskaerari uko egin diola ulertuko dela, eta, beraz, eskaera artxibatu egingo dela.

8. Ikasle bakoitzeko eskaera bat bakarrik aurkeztu ahal izango da.

9. Foru administrazioak administrazioaren esku dauden interesdunen datuei buruzko beharrezko egiaztapenak eta kontsultak egingo ditu, bai eta dirulaguntza honen administrazio izapideak egiteko beharrezkoa den beste edozein ere. Hori dela eta, dirulaguntzen eskatzaileei ez zaizkie eskatuko administrazioen artean trukatu ahal diren datuak, baldin eta interesdunak datuak erabiltzearen aurka egiten EZ badu; interesdunak aurka eginez gero, hark aurkeztu beharko ditu behar diren datuak edo agiriak. Administrazio publikoek datuak trukatzeko oinarria

urriaren 1eko 39/2015 Legearen 28. artikulua da. Izan ere, artikulua horretan ezartzen denaren arabera, herritarrek ez dute zertan aurkeztu administrazio publikoek egindako agiririk, jatorrizko agiririk, aplikatzekoa den araudian eskatzen ez den daturik edo dokumenturik edo interesdu-nak lehenago administrazioen bati aurkeztutakorik. Gainera, 40/2015 Legeak 155. artikuluan ezartzen du administrazioek lankidetzan jardun behar dutela datu trukean eta herritarrei buruz dauzkaten datuak eman behar dizkiotela elkarri.

Interesdunak aurka egiten ez badu, trukatu ahal diren datu hauek bilduko dira:

- Dirulaguntza eskatu duen ikaslearen NANA.
- Ikaslearen errolda ziurtagiria, 2024ko abenduaren 31n Araban erroldatuta dagoela egiaztatzen duena. Trebiñuko enklabeen bizi diren pertsonen errolda orria aurkeztu beharko dute.

6. Aurrekontu erabilgarritasuna

Programa honi berrehun eta berrogeita hamar mila (250.000,00) euro esleituko zaizkio, 2024ko onetsi eta 2025rako luzatu duen aurrekontuko 71100. G/232750/48000750 partidaren kargura.

Deialdiari gehienez ere hogeita mila euroko kopuru gehigarri bat erantsi ahal izango zaio, baldin eta aurrekontu krediturik badago. Gehieneko zenbatekoa handitzeko ebazpena ALHAOn argitaratuko da; argitaratzeak ez du esan nahi epea zabaltzen denik eskaera berriak aurkezteko, ez eta ebazteko epea berriro hasten denik ere.

7. Ebazpen-proposameneko txostena

Dirulaguntzen emakida arautzen duten oinarri orokorretan adierazitakoaren arabera osatu-tako balorazio batzordeak aztertuko ditu eskaerak.

Batzorde horrek emakida-proposameneko txosten bat idatziko du, eta Gazteriaren Foru Erakundea erakunde autonomoaren egitura eta funtzionamendu arautegia aldatzen duen Di-putatuen Kontseiluaren ekainaren 8ko 26/2010 Foru Dekretuaren 16. artikuluan ezarritakoaren arabera Gazteriaren Foru Erakundearen gastuak baimendu, xedatu eta antolatze eskumena duen organoak ebartziko du, eskaerari baiezkota edo ezezkota emanez, gehienez ere sei hilabeteko epean, eskabideak aurkezteko epea amaitu eta hurrengo egunetik kontatzen hasita.

Dirulaguntza emateko edo ukatzeko ebazpena eskatzaileei jakinaraziko zaie, eskaeran adie-razitako helbidean, Administrazio Publikoen Administrazio Prozedura Erkidearen Legearen 42. artikuluan xedatutako moduetan.

Deialdi hau eta haren ondorioz egiten diren administrazio egintza guztiak aurkaratu ahal izango dira Administrazio Publikoen Administrazio Prozedura Erkidearen urriaren 1eko 39/2015 Legeak ezarritako kasuetan eta eran.

Eskatzaileak ez du entzunaldi izapiderik izango, ebazpenean ez baita aintzat hartuko eska-tzaileak aurkeztutako gertaerak eta agiriak besterik.

8. Laguntzak ordaintzea

Ordainketa bakarra izango da eta onuradun bakoitzaren izenean egingo da.

9. Interpretazioa

Deialdi hau interpretatzean zalantzarik sortzen bada, zalantza hori Gazteriaren Foru Erakun-dearen zuzendari-kudeatzaileak argituko du.

Vitoria-Gasteiz, 2025eko maiatzaren 6a

Gazteriaren Foru Erakundearen zuzendari-kudeatzailea
JUAN JOSÉ ROJO BAZÁN